

Fréttabréf Veturinn 2020 – 2021

Kennarar í Hreiðrinu veturinn 2020-2021



Sigurveig Petra
Björnsdóttir,
deildarstjóri
Vinnutími
7:45- 16:00/8 -
16:15



Eva Dögg
Jónsdóttir,
leikskólakennari
Vinnutími 8 - 12



Helga Þóra
Eysteinsdóttir,
leiðbeinandi
Vinnutími
7:45 - 16/8 - 16:15



Kristbjörg Ósk
Svavarsdóttir,
B.a. í sálarfræði
Vinnutími
7:45 - 16/8 - 16



Inga Bryndís
Ingadóttir,
leiðbeinandi
Vinnutími
12 - 16/12 -
16:15



Andrea
Jónsdóttir,
afleysing
Vinnutími 8 -
13



Börnin í Hreiðrinu

Í vetur verða 18 börn í Hreiðrinu. 5 stúlkur og 13 drengir þau eru þau fædd janúar 2019 - apríl 2020.

Dagskipulag

Mánudagar – Hreyfing

Þriðjudagar – Vettvangsferð

Miðvikudagar – Hópastarf

Fimmtudagar – Listasmiðja

Föstudagar – Leikur og útvera

Leikurinn

Leikurinn er mikilvægasta leið barnsins til að læra um lífið, samskipti, vináttuna, skiptast á, taka tillit og æfa sig í samskiptum og orðaforða. Við leggjum mikla áherslu á leikinn og að gefa börnunum það frelsi að æfa þessi mikilvægu skref í þroskaferlinu. Einbeiting þeirra eykst jafnt og þétt og leikirnir þróast.

Hópastarf

Í hópastarfinu ætlum við að vinna markvisst að því að börnin tengist vel í hópnum og að þau geti tekið tillit til félaga sinna í leik og verkefnavinnu. Námssvið leikskólans fléttast svo inn í allt starfið en þau eru: læsi, sjálfbærni, lýðræði og mannréttindi, jafnrétti, heilbrigði og velferð og sköpun.

Í hópastarfi vinnum við með bókstafi, tölustafi, tónlist, lífsleikni/dygðir, námssviðin, förum í útiveru og vettvangsferðir, ásamt því að vinna með þema sem kennarinn leggur fyrir eða börnin hafa áhuga á. Hóparnir eru eftirfarandi (með fyrirvara um breytingar)

Hópstjóri: Kristbjörg	Hópstjóri: Helga	Hópstjóri: Eva/Inga	Hópstjóri: Sigurveig
Haraldur Frosti Hreinn Logi Jotham Iserien Jökull Heiðar	Bríet Örk Hákon Valur Mía Skarphéðinn Orri Þorgeir Jarpi	Aþena Elísabet Elva Kató Karítas María Lilja Margrét Nikodem Marek	Arnór Leví Brynjar Hólm Ragnheiður Guðrún Viktor Jirayu

Lífsleikni

Í vetur vinnum við með tvær dygðir og eina undirdygð;

Hjálpsemi fyrir áramót

Polinmæði eftir áramót og **Hófsemi** sem undirdygð



Allt okkar starf litast af þessum dygðum, s.s. í samveru, listsköpun og hreyfingu. Á tímabili hvernar dygðar er dygðastund þar sem kennarar og börn deildanna skiptast á að skemmta hinum. Ástæða þess að við veljum að vinna með þrjár dygðir er að þannig ná börnin að læra allar 12 dygðirnar í kennsluefninu okkar á fjórum leikskólaárum.

Málrækt á Krógabóli

Tungumálið skiptist í fjóra þætti, hljóðkerfi, merkingarfræði, málfræði og málnotkun. Unnið er markvisst með alla málþættina í leikskólanum. Markmiðið með málrækt á Krógabóli er að gefa börnum tækifæri á að kynnast tungumálinu og möguleikum þess á fjölbreytilegan hátt.

Málþættirnir eru samofnir daglegu starfi í leikskólanum en einnig er unnið á markvissan hátt með ýmis verkefni sem miða að því að auka skilning og hæfni barna til að tjá sig og koma hugmyndum sínum á framfæri. Lögð er áhersla á lestur og að börn fái tækifæri til að nota málið á fjölbreytilegan hátt í starfinu, m.a. með því að læra þulur og vísur, syngja og segja frá.

Við vinnum mikið með hljóðkerfisvitundina en hún hefur forspárgildi varðandi hvernig barni gengur að læra að lesa. Við kennum börnunum að hlusta með lestri og athyglisleikjum. Byrjum að vinna markvisst með takt og rím með tveggja ára, höldum áfram og bætum við flóknara rími og leik með málið hjá þriggja og fjögurra ára. Þar er einnig lögð áhersla á að kenna börnunum að ritað mál og tákn hafi merkingu.

Listasmiðja

Á **fimmtudögum** í vetur er listasmiðja. Við útbúum hin ýmsu verk sem tengjast t.d. árstíðunum, vettvangsferðum, þeirri dygð sem verið er að vinna með hverju sinni eða bara það sem okkur dettur í hug. Við notum alls kyns efnivið t.d. málningu, sand, blek og lím. Börnin fara alltaf í svuntur í listasmiðjunni en þær halda ekki alltaf og þarf fatnaður því að vera í samræmi við það.



Salur- Hreyfing

Vikulegar hreyfistundir á Hreiðrinu verða á **mánudagsmorgnum** í vetur.

Hreyfing er hluti af okkar daglega lífi hér í Krógabóli. Markvissar hreyfistundir hafa verið einu sinni í viku inn í salnum okkar en nú höfum við ekki afnot af þessum sal og færast hreyfistundirnar því inn á deild og ætlum við að reyna að koma inn sem flestum þáttum sem voru áður gerðir í salnum. Þessar stundir hafa alltaf verið mjög vinsælar hjá börnunum eru fjölbreyttar og skemmtilegar og við allra hæfi. Hver tími byrjar á smá upphitun og svo er farið í þrautabraut eða stöðvarþjálfun þar sem atriði úr heilsubókinni eru þjálfuð.

Krógaból er heilsuleikskóli og í afmælimánuði barnsins þá gera þau vissar æfingar eftir stöðluðum hreyfiæfingum og er það skráð í heilsubók barnsins. Eftir áramót verður farið einu sinni í mánuði í íþróttahúsið í Síðuskóla á mánudagsmorgnum.

Útikennsla

Í leikskólanum er mikil áhersla lögð á útiveru og hreyfingu. Við förum 1x í viku í vettvangsferð út fyrir skólalóðina, vettvangsferðir verða á **þriðjudögum** í vetur. Þær eru þó háðar veðri og færð hverju sinni. Í þessum vikulegu ferðum okkar fer fram mikið nám og hreyfing og áhersla er lögð á að byggja upp þol og þrek barnanna. Börnin halda í band og áhersla er lögð á að hver og einn passi sig og sitt pláss en um leið þá sem eru nálægt. Þá munum við einnig skoða ýmislegt sem okkur dettur í hug en umfram allt ætlum við að hafa gaman.

Veikindi

Leikskólinn er ætlaður heilbrigðum börnum. Barn getur fengið í undantekningar tilvikum að vera inni í einn dag eftir langvarandi veikindi. Barnið verður að vera búið að vera heima hitalaust í einn til tvo daga áður en það kemur aftur í leikskólann. Nú á tímum Covid19 eru reglurnar enn strangari og eru foreldrar beðnir að hafa efirfarandi atriði í huga

Barn á ekki að koma í leikskólann ef:

- Barnið er með hita.
- Barnið er með kvef, hósta og að minnsta kosti eitt af eftirtöldum einkennum til viðbótar; slappleika, höfuðverk, beinverki, þreytu, kviðverki og/eða niðurgang.
- Barn skal sótt í leikskólann ef heilsufar þess breytist; barnið fær hita yfir 38°C og flensulík einkenni.

Leitið ráðgjafar hjá heilsugæslu:

- Ef vafi leikur á því hvort barnið ætti að fara í leikskólann
- Til að fá nánari upplýsingar um einkenni

Afmæli

Við gerum daginn eftirminnilegan fyrir barnið, það fær kórónu, við syngjum afmælissönginn og kveikjum á kertum sem barnið síðan blæs á. Allt er þetta myndað og fær barnið afmæliskort með myndum af sér á afmældisdaginn. Ekki er leyfilegt að koma með neitt að heiman í tilefni dagsins.

Leikföng og matur

Af gefnu tilefni viljum við biðja ykkur um að ræða við börnin ykkar að koma ekki með dót eða aðra hluti í leikskólann.

Einnig er stranglega bannað að koma með mat í leikskólann þar sem börn í leikskólanum eru með bráðaofnæmi. (Það er freistandi að fá að smakka eitthvað góðgæti sem vinirnir hafa meðferðis)

Foreldrasamtöl

Þriggja til sex mánaðasamtal fyrir nýja foreldra í Hreiðrinu er í kringum áramótin. Árleg foreldrasamtöl verða í vor, á tímabilinu mars til apríl, þar sem farið verður yfir heilsubók barnsins, þroska og líðan þess í leikskólanum. Ef óskað er eftir fleiri samtölum þá er sjálfsagt að veita þau.

Kaffidagar

Á skóladagatali okkar er fyrirhugað að hafa aðventukaffi 3. desember en vegna aðstæðna í þjóðfélaginu og þá með tilliti til sóttvarna á þessum tíma verðum við að meta út frá aðstæðum hvort möguleiki verði á að bjóða foreldrum með í þessa stund.

Vistunartími

Leikskólinn er opinn frá 7:45-16:15

Leikskólinn er opinn frá 7:45-16:15.

Við viljum vinsamlegast biðja ykkur um að virða vistunartíma barna ykkar.

Barnið á að vera farið úr leikskólanum þegar vistunartíma þess líkur t.d. ef barn á vistunartíma til kl. 14:00 eða 16:15 þá á það að vera farið úr leikskólanum á þeim tíma. Athugið að vinnutíma kennara líkur einnig kl. 16:15. Sama gildir á morgnana, börn sem eiga tíma frá kl. 8:00 eiga ekki að koma í leikskólann fyrr en kl. 8:00.

Ef eitthvað óvænt kemur upp á þannig að þið komist ekki á réttum tíma þá vinsamlegast sendið okkur skilaboð í karellen eða hringið og látið okkur vita, þetta á sérstaklega við þegar nemendur eru sóttir. Best er þá að hringja í gsm númerið okkar **649-6226** á þeim tíma.

Fataherbergi

Engar töskur eiga að vera í leikskólanum, ekki heldur ofaná kössunum. Foreldrar koma með þau útiföt sem barnið þarf að nota yfir daginn og fötin eru látin í hólfi barnsins. Boðið er upp á kassa í hólfi barnanna og þar á að vera auka útifatnaður.

Fatnaður sem á að hanga í hólfinu: Útiföt eftir veðri, úlpa, snjófatnaður, pollaföt, vettlingar, ullarsokkar, húfa.

Munum að veðurfar er fljótt að breytast - sól að morgni getur breyst í rigningu eftir hádegi.

Skór fara upp á skógrind fyrir neðan hólfin og stígvél einnig.

Mikilvægast af öllu er taupokinn (sem öll börnin hafa fengið að gjöf frá Krógabóli), Hann er ætlaður til að flytja fatnað milli heimilis og skóla og undir blaut og skítug föt eftir daginn.

Taupokinn á að hanga á snaga í hólfinu meðan barnið er í leikskólanum.

Við endum alla daga á útiveru (nema veður leyfi ekki) og viljum minna á að í lok dags mega foreldrar fara inn að sækja fatnað í fathólf barnanna ef þörf er á. **Vinsamlegast ekki klæða börnin úr útifatnaði í fataherbergi til að fara í aðrar yfirhafnir.**

Einnig viljum við brýna fyrir foreldrum að merkja öll föt, skó og stígvél.

Bílaplan

Á bílaplani leikskólans eru tvö stæði fyrir fatlaða.

Stæðiskort fyrir hreyfihamlaða veitir heimild til að leggja ökutæki hvar sem er á landinu í bifreiðarstæði sem ætlar er fyrir fatlaða og auðkennt er með þar til gerðu umferðarmerki. Í leikskólanum geta verið börn sem eru í flokki fatlaðra og eiga foreldrar þessara barna rétt á að nota þessi bílastæði. Einnig geta verið foreldrar í leikskólanum sem eiga rétt á að leggja í þessi bílastæði en bera ekki sjúkdóma utan á sér og biðjum við foreldra að virða það.

Einnig við viljum minna foreldra á að drepa á bílnum þegar þeir koma með eða sækja barnið. Þegar bílar eru enn kaldir myndast tiltölulega hátt hlutfall af eiturgasinu kolmónoxíð og í hægum vindi liggur þetta eitur í öndunarhæð barnanna.

Athugið að það á að **keyra inn á bílaplanið um efri innkeyrslu og út um neðri útkeyrslu**, þetta er sérstaklega mikilvægt á álagstímum á bílaplaninu sem er um kl. 8.00 og um kl.16:00. Einnig er mikilvægt að foreldrar upplýsi aðra ættingja sem eru að sækja eða koma með börnin ykkar í leikskólann um þessa reglu.

Við viljum ítreka við ykkur þá reglu að loka og læsa leikskólahliðinu þegar þið eruð að ganga um það og gæta þess að ekkert barn fari út um hliðið nema ykkar eigið. Einnig viljum við benda ykkur á að nefna þessa reglu ef einhver annar en þið sækir barnið.

Að lokum viljum við nefna þá reglu **að börnunum sé ekki leyft að opna né loka hliðinu þegar gengið er um það.**

Karellen

Leikskólinn hefur notast við leikskólakerfið Karellen til að halda utan um alla mætingu nemenda. Í Karellen er einnig boðið upp á skráningu á svefntíma og matartíma barnanna auk þess sem myndir af börnunum eru settar inn á þeirra svæði. Foreldrar geta á einfaldan hátt sent skilaboð til deildar barnsins með upplýsingum um t.d. veikindi, hver nær í barnið o.s.frv. Á sama hátt geta kennarar sent skilaboð til hópa eða einstaka forráðamanna innan kerfisins. Þeir foreldrar sem ekki hafa skráð sig inn í kerfið gera það með því að fara inn á www.my.karellen.is og velja síðan nýskráningu, þar eru mjög góðar skýringar á allri notkun á kerfinu. Karellen er einnig til sem app og mælum við með að þið náíð í það í símana ykkar eftir að þið hafið virkjað aðganginn á vefsíðunni.

Dagatal

Mánaðarlega útbúum við dagatal en þar má sjá hvað ber hæst í hverjum mánuði. Dagatalið er sett inn á Karellen heimasíðuna www.krogabol.karellen.is og hægt er að prenta það út og hvetjum við alla til að gera það. Börnin hafa mjög gaman af því að fylgjast með hvað bíður þeirra næsta dag eða í mánuðinum. Við hvetjum ykkur líka til að skoða facebook reglulega, þar koma inn tilkynningar eða upplýsingar sem við viljum koma til foreldra.

Kveðja frá kennurum Hreiðursins með von um gott samstarf í vetur

Sigurveig Petra, Kristbjörg Ósk, Eva Dögg, Helga Þóra, Inga Bryndís og Andrea